

- Post nocturnam caliginem
Adeuntes unibovem.
161. Viri clamant tres pariter:
'Exi scelestē fraudifer,
Occidēte crudeliter
Mactaberis carnaliter.'
162. Respondet adversariis
Qui quaeritur sub stipulis:
'Praesto sum vester unibos,
Vos meos dico dominos.'
163. Si vultis interficere
Quem quaeritis durissime,
Vobis narrabo, quomodo
Perire velim subito.
164. Sunt mortis multa genera,
Unum finem dant omnia;
Ut vobis satisfaciam
Modum mortis mox eligam.
165. Quae mors fiat amarior
In mundo sive tristior,
Nunquam probastis, domini,
Nec proabetis, dulcissimi.
166. Dicam tamen pacifice,
Qua ratione perdere
Me possitis in hac die
Aut cras futuro tempore.
167. Ligate me de funibus,
Aut de contortis restibus,
In apotheca mittite,
In qua me missum claudite.
168. A doctis carpentariis
Stringatur tonna circulis;
Tonnam cum meo corpore
Ad mare magnum volvite.